

Broj: 01-11/5-1528/2020  
Sarajevo, 26.11.2020. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku direktnog sporazuma u Federalnom ministarstvu poljoprivrede, vodoprivrede i šumarstva, broj 10-14/5-424/16 od 18.01.2016. godine, ministar Federalnog ministarstva poljoprivrede, vodoprivrede i šumarstva, **donosi**

### **ODLUKU**

o dodjeli ugovora o nabavci usluga stalnog pristupa internetu

#### **I**

Ugovor o nabavci usluga stalnog pristupa internetu Federalnog ministarstva poljoprivrede, vodoprivrede i šumarstva, po provedenom direktnom sporazumu, dodjeljuje se ponuđaču „BH Telecom“ d.d. Sarajevo.

Ugovor sa ponuđačem „BH Telecom“ d.d. Sarajevo zaključit će se pod slijedećim uslovima:

- Ukupna cijena bez PDV-a: 4.789,00 KM
- Rok uspostave veze: u roku od 1 dana od dana potpisivanja Ugovora
- Period trajanja ugovora: 2 godine
- Rok plaćanja: plaćanje će se vršiti u roku od 30 dana od dana prijema fakture.

#### **II**

Ugovorni organ će sa ponuđačem iz tačke I ove odluke zaključiti ugovor kojim će se regulisati međusobna prava i obaveze vezana za predmetnu javnu nabavku, a u skladu sa uslovima definisanim u Ponudi za nabavku usluga stalnog pristupa internetu Federalnog ministarstva poljoprivrede, vodoprivrede i šumarstva i zakonskim propisima koji regulišu postupak ugovaranja.

#### **III**

Ova odluka će se objaviti na web stranici Federalnog ministarstva poljoprivrede, vodoprivrede i šumarstva.

### **O b r a z l o ž e n j e**

Ministar Federalnog ministarstva poljoprivrede, vodoprivrede i šumarstva je svojom odlukom broj: 01-11/5-1528/2020 od 15.10.2020. godine pokrenuo direktni postupak javne nabavke usluga stalnog pristupa internetu Federalnog ministarstva poljoprivrede, vodoprivrede i šumarstva.

Postupak je provela komisija za javne nabavke imenovana rješenjem ministra broj 10-14/5-418/2020 od 04.02.2020. godine.

Na osnovu odluke o pokretanju postupka Komisija za javne nabavke je uputila Poziv za dostavljanje ponude.

Zaprimljena je ponuda „BH Telecom“ d.d. Sarajevo, te je Komisija izvršila otvaranje ponude, konstatovala da je ponuda prihvatljiva, kao i da je ponuđač dostavio dokumentaciju traženu pozivom za dostavljanje ponuda.

Komisija je konstatovala da je ponuđač uslugu ponudio pod slijedećim uslovima:

- Ukupna cijena bez PDV-a: 4.789,00 KM
- Rok uspostave veze: u roku od 1 dana od dana potpisivanja Ugovora
- Period trajanja ugovora: 2 godine
- Rok plaćanja: plaćanje će se vršiti u roku od 30 dana od dana prijema fakture.

Komisija je jednoglasno odlučila da se ministru da preporuka da donese odluku kojom će ugovor o nabavci predmetnih roba dodijeliti ponuđaču „BH Telecom“ d.d. Sarajevo.

Nakon razmatranja svega naprijed navedenog ministar je donio odluku kao u dispozitivu.

Pouka o pravnom lijeku: Protiv ove odluke žalba nije dopuštena.



**Dostaviti:**

- „BH Telecom“ d.d. Sarajevo, ulica Zmaja od Bosne 88
- Komisija za javne nabavke,
- Sektor za finansije i računovodstvo,
- a/a.